

0.0.1 nandamātu suttaṃ

1. evamme suttaṃ: ekaṃ samayaṃ āyasmā ca sārīputto āyasmā ca mahāmoggallāno dakkhiṇāgirismiṃ cārikaṃ caranti mahatā bhikkhu saṅghena saddhiṃ. tena kho pana samayena veḷukaṇṭakī nandamātā upāsikā rattiyaṃ paccūsasamayaṃ paccūṭṭhāya pārāyaṇaṃ sarena bhāsati.

2. tena kho pana samayena vessavaṇo mahārājā uttarāya disāya¹ dakkhiṇaṃ disaṃ gacchati kenacideva karaṇīyena. assosi kho vessavaṇo mahārājā nandamātāya upāsikāya pārāyaṇaṃ sarena bhāsantiyā. sutvā kathāpariyosānaṃ āgamayamāno aṭṭhāsi. atha kho nandamātā upāsikā pārāyaṇaṃ sarena bhāsivā tuṇhī ahosi.

3. atha kho vessavaṇo mahārājā nandamātāya upāsikāya kathāpariyosānaṃ veditvā abbhanumodi: sādhu bhagini, sādhu bhaginīti.

4. ko panesa bhadramukhāti.

5. ahaṃ te bhagini bhātā vessavaṇo mahārājāti.

6. sādhu bhadramukha, tena hi yo me ayaṃ dhammapariyāyo bhaṇito, idante hotu ātittheyanti.

¹uttaradisāya - sīmu.

7. sādhu bhaginī, etaṃ ceva me hotu ātitheyyaṃ: sve ca sārīputta moggallānapamukho bhikkhusaṅgho akatapātarāso veḷukaṇṭakaṃ āgamissati. tañca bhikkhusaṅghaṃ parivisitvā mama dakkhiṇaṃ ādiseyyāsi. evañca me bhavissati ātitheyyanti.

8. atha kho nandamātā upāsikā tassā rattiyā accayena sake nivesane paṇītaṃ khādanīyaṃ bhojanīyaṃ paṭiyādāpesi. atha kho sārīputtamoggallānapamukho bhikkhusaṅgho akatapātarāso yena veḷukaṇṭako tada-vasarī.

9. atha kho nandamātā upāsikā aññataraṃ purisaṃ āmantesi: ehi tvaṃ ambho purisa, ārāmaṃ gantvā bhikkhusaṅghassa kālaṃ ārocehi: "kālo bhante, ayyāya nandamātuyā nivesane niṭṭhitaṃ bhatta, nti. evaṃ ayye, ti kho so puriso nandamātāya upāsikāya paṭisutvā ārāmaṃ gantvā bhikkhusaṅghassa kālaṃ ārocesi: "kālo bhante, ayyāya nandamātuyā nivesane niṭṭhitaṃ bhattanti, "

10. atha kho sārīputtamoggallānapamukho bhikkhusaṅgho pubbanhasamayaṃ nivāsetvā pattacīvaraṃ ādāya yena nandamātuyā upāsikāya nivesanaṃ tenupasaṅkami. upasaṅkamitvā paṭṭattāsane nisīdi.

11. atha kho nandamātā upāsikā sārīputtamoggallānapamukhaṃ bhikkhusaṅghaṃ paṇītena khādanīyena bhojanīyena sahatvā santappesi sampavāresi. atha

kho nandamātā upāsikā āyasmantaṃ sārīputtaṃ bhut-tāviṃ onītapattapāṇiṃ ekamantaṃ nisīdi. ekamantaṃ nisinnaṃ kho nandamātaraṃ upāsikaṃ āyasmā sārīputto etadavoca:

12. ko pana te nandamāte, bhikkhusaṅghassa abbhā-gamanaṃ ārocesīti.

13. idhāhaṃ bhante, rattiyaṃ paccusasamayaṃ pac-cuṭṭhāya pārāyaṇaṃ sarena bhāsivā tuṇhī ahosiṃ. atha kho bhante, vessavaṇo mahārājā mama kathāpariyosānaṃ veditvā abbhanumodi "sādhu bhaginī, sādhu bhaginī, ti.

14. ko panesa bhadramukhāti.

15. ahaṃ te bhaginī bhātā vessavaṇo mahārājāti.

16. sādhu bhadramukha, tena hi yo me ayaṃ dhammapariyāyo bhaṇito, idante hotu ātittheyyanti.

17. sādhu bhaginī, etaṃ ceva me hotu ātittheyyaṃ: sve ca sārīputta moggallānapamukho bhikkhusaṅgho akatapātarāso veḷukaṇṭakaṃ āgamissati. tañca bhikkhusaṅghaṃ parivisitvā mama dakkhiṇaṃ ādiseyyāsi. evañca me bhavissati ātittheyyanti.

18. yadidaṃ bhante, dāne puññaṃ hi taṃ² vessavaṇṇassa mahārājassa sukhāya hotuti.

19. acchariyaṃ nandamāte, abbhūtaṃ nandamāte, yatra hi nāma vessavaṇṇena mahārājena evaṃ mahiddhikena evaṃ mahesakkhena devaputtena sammukhā salapissatīti.

20. na kho me bhante esova³ acchariyo abbhuto dhammo. atthi me aññopi acchariyo abbhuto dhammo:

21. idha me bhante nando nāma⁴ eko puttako piyo manāpo. taṃ rājāno kismiñcideva pakaraṇe okkassa paggayha jīvitā voropesuṃ. tasmim kho panāhaṃ bhante, dārake gahite vā gayhamāne vā baddhe vā vajjhamāne vā hate vā haṭṭamāne vā nābhijānāmi cittassa añña-thattanti.

22. acchariyaṃ nandamāte, abbhūtaṃ nandamāte, yatra hi nāma cittuppādampi parisodhessatīti.

23. na kho me bhante esova⁵ acchariyo abbhuto dhammo. atthi me aññopi acchariyo abbhuto dhammo:

²puññaṃ puññamahīti - machasaṃ, puññamaham - pts; puññamahitaṃ - syā

³eseva - machasaṃ

⁴nandako nāma - simu

⁵eseva - machasaṃ

24. idha me bhante, sāmiko kālakato assa aññata-
raṃ yakkhayoniṃ upapanno⁶. so me teneva purimena
attabhāvena uddasseti. na kho panāhaṃ bhante, abhi-
jānāmi tato nidānaṃ cittassa aññathattanti.

25. acchariyaṃ nandamāte, abbhūtaṃ nandamāte, ya-
tra hi nāma cittuppādampi parisodhessatīti.

26. na kho me bhante esova⁷ acchariyo abbhuto dhammo.
atthi me aññopi acchariyo abbhuto dhammo:

27. yatohaṃ bhante, sāmikassa daharasseva daharā
ānītā, nābhijānāmi sāmikaṃ manasāpi aticaritā, kuto
pana kāyenāti.

28. acchariyaṃ nandamāte, abbhūtaṃ nandamāte, ya-
tra hi nāma cittuppādampi parisodhessatīti.

26. na kho me bhante esova⁸ acchariyo abbhuto dhammo.
atthi me aññopi acchariyo abbhuto dhammo:

30. yadāhaṃ bhante, upāsikā paṭidesitā, nābhijānāmi
kiñci sikkhāpadaṃ sañcicca vītikkamitāti.

31. acchariyaṃ nandamāte, abbhutaṃ nandamāteti.

⁶yakkhayoniyaṃ uppanno - simu

⁷eseva - machasaṃ

⁸eseva - machasaṃ

32. na kho me bhante esova⁹ acchariyo abbhuto dhammo.
atthi me aññopi acchariyo abbhuto dhammo:

33. idhāhaṃ bhante, yāvadeva¹⁰ ākaṅkhāmi vivicceva
kāmehi vivicca akusalehi dhammehi savitakkaṃ savi-
cāraṃ vicekajāṃ pītisukhaṃ paṭhamāṃ jhānaṃ upa-
sampajja viharāmi. vitakkavicārānaṃ vūpasamā aj-
jhattaṃ sampasādanaṃ cetaso ekodibhāvaṃ avitak-
kaṃ avicāraṃ samādhijāṃ¹¹ pītisukhaṃ dutiyaṃ jhā-
naṃ upasampajja viharāmi. pītiyā ca virāgā upekkhakā
ca viharāmi, satā ca sampajānā sukhañca kāyena pa-
ṭisaṃvedemi. yaṃ taṃ ariyā ācikkhantī upekkhako
satimā sukhavihāriti tatiyaṃ jhanaṃ upasampajja vi-
harāmi. sukhassa ca pahānā dukkhassa ca pahānā
pubbeva somanassadomanassānaṃ atthagamā aduk-
khaṃ asukhaṃ upekkhāsatipārisuddhiṃ catutthaṃ jhā-
naṃ upasampajja viharāmi.

34. acchariyaṃ nandamāte, abbhutaṃ nandamāteti.

35. na kho me bhante esova¹² acchariyo abbhuto dhammo.
atthi me aññopi acchariyo abbhuto dhammo:

36. yānīmāni bhante, bhagavatā desitāni pañcoram-
bhāgiyāni saññojanāni, nāhaṃ tesāṃ kiñci attani ap-

⁹eseva - machasaṃ

¹⁰yāvade - machasaṃ

¹¹vivekajāṃ machasaṃ

¹²eseva - machasaṃ

pahīnaṃ samanupassāmi.

37. acchariyaṃ nandaṃāte, abbhutaṃ nandaṃātetī.

38. atha kho āyasmā sārīputto nandaṃātaraṃ upāsi-
kaṃ dhammiyā kathāya sandassetvā samādapetvā sa-
muttejetvā sampahaṃsetvā uṭṭhāyāsanā pakkāmiti.